



# Il mas-chalch da Sent

[www.sent-online.ch](http://www.sent-online.ch)

[sent@engadin.com](mailto:sent@engadin.com)

avrìgl/mai 2018

## MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais i'l büro da Sent Turissem [sent@engadin.com](mailto:sent@engadin.com).
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, grotta da cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

## ARRANDSCHAMAINTS

Societats chi vöglian publicar arrandschamaints han seguaintas pussibilitats:

- a) Mas-chalch da Sent : tenor infuormaziuns survart
- b) Pagina dad internet [www.sent-online.ch](http://www.sent-online.ch): annunzchas per mail a Cla Rauch, [cla.rauch@bluewin.ch](mailto:cla.rauch@bluewin.ch)
- c) Chalender d'arrandschamaints da la destinaziun turistica:  
*www.engadin.com => Events => Veranstaltung erfassen*  
Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

## CHARTERA PUBLICA

Culla **chartera publica** dèssan gnir promovüdas la comunicaziun e la discussiun in cumün ed invers il cumün politic. La chartera as rechatta i'l büro da Sent Turissem. La gruppa da lavur svöda la chartera ed elavurescha las intimaziuns chi pon gnir deponadas in fuorma dad ün simpel scrit.

Pella gruppa da lavur: Andri Poo, Marianne Werro, Esther Oes, Maja Bischoff, Aita Zanetti

## PER NOSSAS SENIORAS / PER NOSS SENIORS

**Mardi, als 1. mai 2018, a las 14.00 h in Chasa Misoch**

Lotto cun premis per minchün e per minchüna, davo café e tuorta  
Annunzchas a las rapreschantas da la Pro Senectute: Chatrina Ritzmann, tel. 081 864 93 59 ed Annelise Süssstrunk,  
tel. 081 864 70 60

**Giantar cumünaivel**

**Mardi, als 15 mai 2018, a las 12.00 h i'l restorant Val Sinestra**

partenza davent da Plaz a las 11.30 h  
Annunzchas a Fina Zanetti, tel. 081 864 95 26

Adüna il **lündeschdi, a las 14.00 h illa Chasa Misoch**: Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il **marcurdi a las 14.00 h ed il mardi a las 20.15 h illa Chasa Misoch**: Società da duonnas, infuormaziun: Dorathea Stupan, tel. 081 864 04 75

**SOCIETÀ D'ÜTIL PUBLIC – concerts illa baselgia da Sent****dumengia, 29 avrigl 2018, 17.00 h, CHF 20.-****RECITAL per CELLO e CLAVAZIN Elisa Siber - violoncello e Shahane Zurabova - clavazin**

Claude Debussy(1862-1918) sonata d-moll

Robert Schumann (1810-1856) Adagio ed Allegro in As-dur, op.70

Dmitri Schostakowitsch (1906-1975) sonata d-moll op. 40

**venderdi, 4 mai 2018, 20.15 h, collecta****FASCINAZIUN TANGO Orquesta Tipica Tango Pasion da Tilburg**

Direcziun: Gerard van Duinen Chant: Nancy Koppert

A Buenos Aires as discha cha'l tango descriva la vita in trais minutas. As laschai surmanar dal muond dal tango. Il program stan bals da tangos tradiziunals dal cumanzamaint dal 20avel tschientiner, tangos da concert da Piazzolla fin a tangos moderns da l'Argentina. Els sunan illa fuormaziun classica cun bandoneons, gïas, cellos, giun, clavazin e chant. Quist orchester da laics passainta insembel cun ballarins da tango ün'eivna musicala in Val Sinestra

**gövgia, 10 mai 2018, 17.00 h, CHF 20.-****YELLOW CELLO Concert cul Duo da cellos "le phénix" Mathias Kleiböhmer e Christine Meyer**

Cun seis program fa il Duo "le phénix" quist on ün viadi in Ingalterra. La paletta cumpiglia sots da mascras dal baroc tampriv da Purcell fin pro Holst e Britten - varià ed excitant ed unic "very british!"

**dumengia, 20 mai 2018, 17.00 h, collecta****CONCERT DA TSCHINQUAISMA cul ensemble da giuventüna ConFuoco, dirigenta: Verena Zeller**

Benjamin Britten (1913-1976) Simple Sinfonie

Unico Wilhelm van Wassenaer (1692-1766) Concert Armonic

Pablo de Sarasate (1844-1908) melodias da tschianders per gïa ed orchester. Solist:Marvin Naef (11 ons)

**dumengia 27 mai 2018, 17.00 h, CHF 25.-****BRIDGES OF MUSIC Jonathan Faulhaber, cello e Beatrix Becker, clavazin e clarinetta**

La musicista e cumponista berlinaisa collia in sias ouvras differents stils sco klezmer e tango, jazz e musica da film. Ella va in tschercha da clings ed atmosferas a Buenos Aires ed in Svizra, a Jerusalem ed a New York City. E riva novs spazis cun gronds musikers.

Organisaziun: Grotta da cultura e Società d'Ütil public.

**dumengia, 3 gün 2018, 17.00 h, CHF 20.-****VIENS! UNE FLUTE INVISIBLE**

Quist es il cumanzamaint d'üna poesia da Victor Hugo chi ha ispirà als duos cumponists Camille Saint-Saens ed André Caplet da scriver üna cumposiziun per flöta sopran e clavazin. Eir pro J. S. Bach e pro Antonio Vivaldi chattaina musica chi s'adatta per quista fuormaziun. I gnarà preschantà ün concert in duos parts cun musica barocca e romantica in differentas fuormaziuns per duos o trais instrumaints.

Ursula von Burg, clavazin; Gabriela Hüskens, mezzosopran e Regula Ursprung, flöta a travers sunan ouvras da Bach, Vivaldi, Quantz, Fauré, Godard, Caplet e Saint-Saens.

**VACANZAS PRATCHA DAL MEIDI / Praxisferien**

La pratcha resta serrada da gövgia, ils **26 avrigl 2018** fin dumengia ils **13 mai 2018**.

Il numer d'urgenza dals meidis da chasa EB (**081 864 12 12**) collia cul meidi da chasa chi ha servezzan.

Die Arztpraxis bleibt von Donnerstag, den **26. April 2018** bis Sonntag, den **13. Mai 2018** geschlossen.

Über die Notfallnummer der Hausärzte des Unterengadins (081 864 12 12) erreichen Sie den diensthabenden Hausarzt.

Dr. med. Iris Zürcher

## **DA FITTAR A SENT/ ZUM VERMIETEN IN SENT**

Abitazuin da 2 stanzas gio'n la Fora da Büz 49. Da fitar subit o tenor curvegna.  
Mobiglia per part, lö quiet e sulagлива lö per star dad oura.

2 Zimmer-Wohnung in „Fora da Büz 49“, Zu vermieten ab sofort oder nach Vereinbarung.  
Teil Möbliert, Sonnig, Rundblick, zur Mitbenützung Garten.

annunzchar pro/Melden bei: Eric Steinfels, Fora da Büz 49, 7554 Sent Natel: 079 405 76 14

## **IMMUNDIZCHAS, PALPERI VEGL, sainza plastic**

Aint il palperi vegl nu tocca oter co palperi, **eir na plastic**

Perquai laina far attent cha aint illa trocla da palperi vegl chi as rechatta pro la posta suot las charteras postalas as po büttar be palperi e **quai chi'd es paquettà aint cun plastic esa dad allontanar il plastic** avant co da büttar pro il palperi vegl.

Grazcha fich  
uffici tecnic